

Lxc 24

62534/B

MEDICAL SOCIETY
OF LONDON



With the compliments of the Librarian

THE WELLCOME INSTITUTE OF THE HISTORY
OF MEDICINE

THE WELLCOME BUILDING, EUSTON ROAD, LONDON, N W.1 2BP

Telephone: 01-387 4688

GRUBER, I.

h h 28

DISSERTATIO
INAUGURALIS MEDICA
EXHIBENS
PESTIS ORIENTALIS
PROPHYLAXIN MEDICAM
QUAM CONSENSU ET AUCTORITATE
EXCELLENTISSIMI AC ILLUSTRISSIMI DOMINI
PRAESIDIS ET DIRECTORIS
PERILLUSTRIS AC SPECTABILIS DOMINI
DECANI

NEC NON
CLARISSIMORUM ET CELEBERRIMORUM
D.D. PROFESSORUM
PRO
DOCTORIS MEDICINAE LAUREA RITE OBTINENDA
IN ANTIQUISSIMA AC CELEBERRIMA UNIVERSITATE VINDOBONENSI
PUBLICAE ERUDITORUM DISQUISITIONI
SUBMITTIT
IGNATIUS GRUBER
VINDOBONENSIS
CHEMIAE IN C. R. UNIVERSITATE ASSISTENS.

In Theses adnexas disputabitur in Univer-
sitis aedibus die 31. Mensis Julii 1828.

VINDOBONAE.
TYPIS VIDUAE ANTONII STRAUSS.

MDCCCXXVIII.

19

Res ardua, vetustis novitatem dare, novis auctoritatem, obsoletis nitorem, obscuris lucem, fastiditis gratiam, dubiis fidem, omnibus vero naturam, et naturae suae omnia.

Plinius Hist. nat. Lib. I. ad Vespasianum.

QUIBUSCUMQUE
ULLUM DEBET BENEFICIUM
D. D. D.

GRATISSIMUS AUCTOR.

INTROITUS.

§. 1.

Loimologiae partem eam lustrare animum induxi, quam Graeci Προφυλαξιν vocant, quaeque tempore pestis sanitatem privatam per remedia antiloimica conservandi modum, eorumque usum tradere promittit. Ast a limine disciplinam hanc salutanti, mox truculentissimi morbi observatores solertissimi occurrunt, verius quam optabilius confidentes: *Nullum in rerum natura inveniri tutum certumque contra pestis infectionem remedium prophylacticum*; testantesque, non raro eos, qui nulla aut inepta superstitiosave adhibuerunt, immunes mansisse, aut ex morbo emersisse; contra ad artis praecepta sedulo curatos a lue correptos et extinctos fuisse; adeoque et remediis, alias praestantissimis, contra morbum hunc irritò pugnatum fuisse *).

§. 2.

Nec clarissimus Adam. Chenotus publice monere cunctatur: Securitatem grassante peste a sola periculi evitacione et fuga sperandam esse; *prophylactica ipsa, non temere commendata*, paria non esse, homini, in instanti pestis discrimine versanti, certa securitatis spe laetando, *quippe quae ad summum sub certis rerum adjunctis viro cauto et provido emolumento esse possint*, ad quae vero imperitorum multitudo animum non attendat. Hinc idem auctor Magistratus hortatur, ne aequo animo medicos spurios ferant, qui furente hac lue vulgus remediis praeservativis obcaecare student. Haec enim etiamsi insontia, eatenus tamen nocere posse monet, quatenus plebs, ob fiduciam in iisdem collocatam, mox inconsulte se periculo offerat, praescriptisque Magistratuum minus obtemperet, inprimis autem pestis fomitem occultare et retinere moliatur **).

§. 3.

Deficiente ergo remedio prophylactico tuto, nihil relinquitur, nisi ea auxilia circumspicere, *quae non temere com-*

*) Kundmann, pag. 1211.

**) Hinterlassene Schriften, pag. 126.

mendantur, quaeque sub certis rerum adjunctis hominibus cautis et providis, urbis praefectis medicis, sacerdotibus, famulis aliisque curam infectorum gerentibus, emolumento esse possunt. (§. 2.) Horum plura dispersim in diversorum fide dignorum loimographorum scriptis proponuntur, quorum nonnulla nostra jam aetate omnium ore celebrantur, cetera forte temporis successione nec minus celebrabuntur. Haec omnia in tribus capitibus ita disponam, ut: primum ea, quae *vitae rationem* durante peste concernunt; secundum *remedia prophylactica externa*; tertium *remedia prophylactica interna*, exponat.

C a p u t I.

Vitae ratio prophylactica.

§. 4.

Quemcunque officium publicum tempore pestis sese periculo infectionis exponere jubet, huic ea saltem solatia non deficient, quae ceteris simili in sorte non defuerunt. Is scilicet animo suo probe reputet: *Contagium, quod in corpore lue hac affecto evoluitur, solum ad inficiendum alterum minime suppeditare, sed simul requiri, ut corpus inficiendum dispositum sit*; neque enim unquam experientia teste, contagium sine dispositione corporis, nec corpus dispositum sine contagio, luem ullam protulit.

§. 5.

Dispositionis autem, (seu facultatis corporis percipiendi pestis orientalis contagii) varietates generales sequentes in loimographorum scriptis notantur:

- a) nonnulli vix infectionis discrimini expositi, a peste correpti sunt;
- b) aliis, nonnisi diu aut repetitis vicibus periculum hoc subeuntibus, eadem sors obvenit;
- c) alii demum, toto pestis decursu omnibus infectionis periculis semper obnoxii, a lue immunes bona valetudine usi sunt.

§. 6.

Ut autem observationibus his lux afferatur, statuendae et considerandae sunt *causae disponentes* seu *praeparantes* ipsae, haeque dispescendae in *generales* seu *epidemicas*, et in *speciales* seu *sporadicas*.

§. 7.

Ad causas disponentes generales — quibus exstantibus lues pestifera rapide et late evagatur, consiliis medico-politicis difficile compescitur et supprimitur; quibus absentibus vero lente et pauca domicilia perreptat, facileque opprimitur — referri merentur:

1) *insalubris aëris atmospherici conditio coelique gravitas*, quarum vi constitutio hominum sana in morbosam immutatur, et non raro immediate morbi indolis inflammatoriae, rheumaticae, biliosae, nervosae, putridae generantur; inde nonnullorum observatio explicanda: pestem, clam contagio irrepentem, subinde falsa specie anginae, pleuritidis, febris intermittentis, nervosae, putridae, dysenteriae etc. medicos induxisse;

2) *mox praegressa, aut adhuc urens annonae caritas ac fames*; inde natae medicorum relationes: infimam plebem, quam annona primo et maxime fatigat, pestilentia prae ceteris correptam et absumptam fuisse;

3) *calamitates, cohortibus militum aequae, ac incolis oppidanis et vicinis exiliabiles*, quarum comitatu Mars incedere solet; inde observatum est, pestem non raro aut belli sectatorem, aut successorem fuisse;

4) *communis terror et pavor*, qui plerumque subito nuntio accepto: pestem imminere, aut in civitate ipsa jam erupisse, incolas occupat; inde explicanda salutaris vis indulgentiarum, quas Pontifices Romani mediae aetatis ad placandos animos Christianorum promulgare amaverunt.

§. 8.

De causis disponentibus specialibus pestis seduli observatores praecipiunt:

1) *aegrotos, vel ad morbum quemcunque pronos, suscepto in corpus contagio pestifero, lue hac inprimis implicari, solosque phthisicos, leucophlegmaticos et leprosos ab ea tutos esse*; inde nonnullorum medicorum opinio falsa orta est, ac si peste invalescente ceteri morbi omnes sileant et cedant;

2) *eandem luem, praegressa contagii communicatione, frequentissime in feminas menstruantes, praegnantes, abortientes et parturientes, itemque in puerperas transire*;

3) *ipsa sana corpora facultatem impetrare, vim deleteriam contagii suscepti percipiendi et a peste tentari, neglecta valetudinis curandae ratione, inprimis: abusu potulentorum spirituosorum, et usu eorum, quibus sanguinis circulatio acceleratur, calorque organismi normalis augetur, nimirum: coitu, corporis motione modum excedente, usu balneorum*

tepidorum; praeterea abusu venaesectionum, emeticorum, purgantium, diaphoreticorum, imo et refrigeratione corporis, suppressione transpirationis ceterarumque adsuatarum excretionum. Hinc olim nonnulli medici loimici iis, qui a locis peste infectis vel suspectis appellebant, exploraturi, utrum libere dimittendi, aut ab aliorum societate sejungendi sint, remedium diaphoreticum calefaciens praebere solebant, cujus virtute aut contagium e corpore expellatur, aut vires illius acuantur;

4) *ab omni animi pathemate vehementi, inprimis a timore, terrore, ira etc. facultatem organismi, vim contagii suscepti percipiendi, adeo propere eumque in modum intendi, ut non raro absque alio momento interposito prima pestis erumpentis symptomata appareant.*

§. 9.

Qui vero inficiendi discrimini saepe aut diu expositi, a lue tamen intacti inviolatique visi sunt (§. 5. c.) fuerunt:

1) curis vacui, et, uti existimare licet, casu felici vi ceterarum causarum disponentium non oblati, infantes lactei, quorum nonnulli mammis nutricum suarum peste infectarum, aut jam extinctarum adnoti, sugentes reperti sunt;

2) conjuges, parentes, filii, nati iisdem parentibus, consanguinei, sponsi, famuli singulari fide et animo in heros benignos et mites, qui omnes vel mutua charitate et pietate, vel memore in bene meritos animo, incensi, ceterum contra vim causarum disponentium muniti, suis peste decumbentibus intrepide aderant, eosque non raro in nosocomia ipsa comitati sunt;

3) civitatum praefecti, sacrorum curatores, medici, publicae securitatis ministri alique, qui amore patriae, pietate erga Deum, sensu recti et spiritu divino, animi et corporis vires mire incitante, moti, simulque modum, vim deleteriam causarum disponentium a se declinandi, probe intelligentes, sese in discrimen vitae, ut alios ex eodem extraherent, conferebant; demum

4) curatores aegrorum, purgatores rerum infectarum, sandapilarii, qui vel repente e penuriae et egestatis miseriis erepti, vel spe ex mendico ad magnas opes procedendi nutriti, de aliorum aerumno lucro proprio consolati, simulque adversus vim causarum disponentium consuetudine indurati erant.

§. 10.

Hae medicorum loimicorum observationes, dispositionum varietates generales (§. 5.) concernentes, nobis exponunt:

a) in iis pestem, mox vel paullo post contagium exceptum, erumpere, quorum corpora, vi unius aut plurium causarum disponentium, apta facta sunt ad contagii stimulum percipiendum;

b) in iis, qui contagium pestiferum in corpus, nondum dispositum, exceperunt, morbum non patescere, nisi ante contagii per vias excretorias expulsionem, sese aut impetui causae cujusdam disponentis, aut contagio jam expulso, novae infectioni exponant;

c) eosdem denique salvos atque incolumes conservari, quorum corpora a contagio, semel aut saepius suscepto, nunquam apta ad stimulum illius percipiendum, quorumque vires vitales semper expellendo contagio pares offenduntur.

§. 11.

Praemissis praeceptis magis generalibus jam *consilia* medicorum loimicorum *prophylactica specialia*, *vitae rationem concernentia*, exponere, harumque utilitatem exemplis illustrare, argumenti ordo exposcit, ut eadem, in tanta rerum discrimine versantes in usum suum convertere possint.

§. 12.

A. Q. Rivinus inquit: Omnibus modis conservandae sunt vires, ac roborandi spiritus per lautiores cibos potumque suavem, vini praesertim; cujus modice sumti virtutes, monente *Willisio*, satis conspicuae sunt. Inprimis exhilarandus est animus. Quandiu amoenitas hortorum atque ruris floret, inhabitanda aut saltem visitanda est saepius, nec unquam negligi debet conversatio amica, ac suave colloquium. Quemadmodum enim tristes omnia timent, ita nemo feliciter terrorem eludit, quam qui hilarem alit mentem, et quamquam ex improvviso terreatur, minus nocebit, alacrior scilicet spirituum motus ideam terrificam minus admittit, et si recepta fuerit, facile iterum eandem delet *). *Hier. Mercurialis* memorat: Memini legisse apud *Plutarchum* in libro de Musica, *Thaletam* quemdam Cretensem a Lacedaemoniis pestem fugasse sola musica; cujus *Thaetae* mentio etiam fit apud *Pausaniam*. Ego nihil aliud fecisse existimo musicam illam *Thaetae*, et eorum militum, qui apud *Homerum* cantu pestem fugabant, nisi spem, gaudium et laetitiam; quibus fit ut et animi et corpora valentius pugnent adversus morbum pestiferum **).

*) Dissert. de Lipsiensi Peste, pag. 82.

**) De peste, pag. 44.

§. 13.

Expertissimus pestis observator Chirurgus *Purmannus* profitetur: animum laetum, stabilem et firmum optimum prophylacticum, paeneque medicinam esse; luem terrore et timore viribus firmari; se ipsum quondam ea animi indole praeditum, ast a quibusdam malevolis, vitae suae insidias ponentibus, perterritum in pestem incidisse *). *Kundmannus* refert: in peste Rosenbergensi anni 1708 et *Böttiger* in peste Havniensi scyphum vini Hungarici, inprimis meticulosis, praestantissimum tutamentum fuisse **).

§. 14.

Joan. Ewrich prudenter de intemperantia et ebrietate dehortatur. Quibus illa quotidiana commessandi consuetudo familiaris est, plerumque in hoc malum procliviores, ac curatu quoque difficiliore sunt. De *Socrate* referunt historiae, propterea, quod temperanter vixerit, semper incorrupta valetudine usum fuisse, etsi in multis gravibus pestilentiis, quae Athenis grassatae sunt, degeret. Talis enim, *Aristotele* et *Galeno* auctoribus, in puris corporibus constitutio est, ut raro afficiantur peste, vel quamvis ea affecta fuerint, tamen non pereant. Contra autem non paucorum exemplis constat, qui recenter peste correpti, cum vino se copiose implevisent, in maximum discrimen, et praesentem mortem miserabiliter devenisse ***).

§. 15.

Dicta confirmant quoque pestis observatores Vindobonenses. *Paul. de Sorbait* allegat: Multi, sed perperam, sibi imaginabantur, praecipue Lazaretti ministri, tum praecipui, tum etiam vespillones, *Siebknechte* sine dubio a trahendo seu furando sic dicti, quod, quo magis temulenti forent, eo minus periclitarentur; sed contrarium prohi dolor experti sumus: tales enim turmatim exanimes cadebant, et libitinae consecrabantur ****). *Fr. Xav. Bensa* haec memoriae tradidit: *Dr. Vogelneck* curam inspectoris adventantium, et in domo pestoria reconvalescentium gerens, vigesima septima Maji percepit horrorem, quem aliquot vitris boni vini

*) Der aufrichtige Pestbarbier, pag. 87—88.

**) Historie von der erschrecklichen Menschenpestilenz, pag. 1210.

***) De officio fidelis et prudentis magistratus tempore pestilent, p. 62.

****) Consil. med. de Peste pag. 37—38.

corrigerere nititur; noctu ipsumprehendit capitis dolor, anxietas praecordiorum, sitis, lingua arida et sicca, inquietudo, carbunculus in scrobiculo cordis valde inflammatus cum intollerabili ardore, et bubo parvus in inguine. Postridie vires jam prostratae, pulsus citatus ac debilis, anxietates maximae erant; sequenti die in aurora supremum diem obiit, corpore post mortem petechiis nigris refertissimo *). *Jos. Waldhort* ex F. F. Misericordiae per quatuordecim dies pestiferis magna charitate inserviens, cum ultima Julii audiendo Sacro interesset, eo vix finito ab inassueto moerore, subsequente mox frigore, tentatus, temploque recedens haec Pharmacopoeo conqueritur; qui eundem animam ad poculum aquae vitae invitat, quo frigus et moerorem dispellat: hoc verò vix assumpto illico totalis virium prostratio, dolor capitis gravativus, et sub axilla sinistra punctorius, nausea, et facies inflammata, paulloque post tota livida. Omnia remedia in cassum adhibita sunt. Bonus Religiosus tertia Augusti mane ante auroram animam Creatori reddidit **).

§. 16.

Dantisci et in infectis locis Pomeranicis usus vini cremati, praeprimis acrioris, vulgo dicti antiloimici (des Pestbranntweins) tantos eventus deleterios edidisse fertur, ut publice interdicendum esset, ne divendatur aut potetur ***). In peste Brunsvicensi anni 1657, Chirurgus, quem Magistratus huic operi praefecerat, ut quoscunque aegrotantes visitaret, eosque quantum posset, juvaret, stygium istum liquorem, quem aquam vitae nominant, valde affectavit, eumque in magna quantitate, ad ebrietatem usque ingurgitavit, partim, ne vacuo ventre in publicum prodiret, partim ut animosior eo factus imperterritus obviam iret hosti quam maxime praesenti, quocum omni hora congregi officium suum ipsum compellebat. Ast lue affectus et mortuus est. Hoc tamen certum, inquit auctor hujus historiae: quibus consuetudo est, quotidie tales ardentes sumere spiritus, nihil aut parum nocuisse ****).

§. 17.

Imo ex usu acidularum Roitschensium temerario incommoda nata sunt. *Dr. Sergeant* sua sponte se in obsequium

*) Historica relatio pestis, pag. 155 — 157.

**) Ibidem, pag. 190 — 193.

***) Rundmann l. c. pag. 1209.

****) Laur. Giseleri observ. de peste Brunsvic. Obs. CXIX. 1. Sept.

pestiferorum offerens, cum per duas hebdomadas omni diligentia serviisset, invaditur frigore, fit solito tristior, percipit capitis dolorem, tensionem in inguine sinistro cum tumore vix perceptibili, ceteraque pestis erumpentis signa sentit. Penes medicamenta, ipsi praescripta, acidulas Roitschenses bibit, a quibus bis vel ter alvus quotidie soluta. Frustra monitus, ut jam eo potu supersedeat, irridens respondit: se illius assuetum, easque sibi optime concedere. Cum itaque per quatuor dies easdem bibendo continuaret, singulis bis vel ter alvum deponeret, neque symptomata imo nec bubo augerentur, se periculum jam evasisse putabat. Sed quinta a morbo die diarrhoea exacerbata fuit, et sexies valde foetida dejecit; hora secunda pomeridiana fit inquietior, jamque delirat, petechiae nigrae circa maleolos apparent, sensimque per crura ascendentes, hora undecima latae, et copiosissimae totum corpus occupant, eaque nocte, vir vere praeclarus et seriori libitina dignus, fatis cessit *).

§. 18.

Quantum *motiones corporis*, ad miasma e corpore eliminandum, valeant, ex *Gustavi Oraei* observationibus elucescit. Quametsi, refert, Moscuæ, in Palatio imperiali, in perplurimis ex comitatu amplo, signa haud aequivoca infectionis saepissime sese manifestarent, vis tamen contagii semper exercitio frequenti omnibus demandato ita frangebatur, ut raro ad remedia confugere opus esset. Nam quotidie, tam extra urbem, quam in vastissimo horto imperiali, deambulationes frequentes instituimus, vel si hoc per tempestatem non liceret, ludis variis e. g. *Billard*, *Volant* etc. corpora exercuimus, donec perspiratio sufficiens et lassitudo incipiens, de fine motionibus imponenda, moneret. Ipse, indicia infectionis saepissime persentiens, summum in eo praesidium locavi, ut omnes horas subsecivas in excursionem impenderem, herbasque et insecta per hortos, campos et montes vicinos colligens, oborto levi sudore, semper animo et corpore recreatus revertabar **).

§. 19.

Motum corporis etiam exercitiis tempore pestis praesidio esse, idem loimographus sequentibus observationibus confirmat: Circa finem mensis Maji 1770, dum pestis ad-

*) Fr. Xav. Bensa l. c. pag. 157 — 159.

**) Descriptio pestis pag. 82 et 83.

huc summo cum vigore fureret, reliquiae quinque legionum, quae hucusque Jassiae in praesidium locatae fuerant, ex mandato illustrissimi Polemarchi, versus exercitum magnum ducebantur. Narrarunt mihi postea Praefecti militum et Chirurgi, tamquam rem valde memorabilem, milites prima itineris die, ob insuetam et extraordinariam plane lassitudinem sese manifestantem, castra stativa pro nocturna quiete designata, nonnisi aegre attingere potuisse, sed sudoribus diffluentes, post breviores progressus, respiramenta intermedia efflagitasse. Lassitudo haec altero jam die minor, tertio vix observabilis fuit. Ex cohorte hac primo itineris die duo, et altero unicus tantum in nosocomium pestilentialia retromittebatur; postea nullum amplius vestigium infectionis adparuit, quamvis haud ita pridem ex eorum medio usque ad viginti quotidie introducti fuerint, et plus quam verosimile erat, eos permultas res infectas ex civitate summe pestifera et confusionis plena secum absportasse. Similima omnino ratione pestis, in cohortibus ex Wallachia tendentibus, nullis cautelis, quamdiu in loco restabant, extinguenda, sed econtra quotidie latius serpens, castris emotis, miraculi instar disparuit.

§. 20.

Idem auctor pergit: Dum versus finem Novembris ejusdem anni victrices copiae, hybernandi causa, Moldaviam repeterent, et illustrissimus Polemarchus Jassiam, quamvis pestis in eadem adhuc sporadice hinc inde prosiliret, pro hybernaculo proprio elegerit, evenit, ut brevi post adventum nostrum, contagium in manipulo praesertim uno, legionis pedestris *Korinsky*, celerrimos progressus faceret. Suasi, ut manipulus confestim educeretur, et per duas septimanas, stadia militibus consueta in regione circumjacente quotidie emetiretur; hocque tanto cum successu effectum fuit, ut milites omnes, nec unico desiderato, peste inter eos mox evanescente, post praescriptum temporis intervalum, sanissimi in hybernacula sua redirent*).

§. 21.

Attamen consilio, a mox laudato auctore dato**), quo administratores oeconomiae in pagis instruantur: »ut, quam »primum signa infectionis in rusticis animadverterent, exer-

*) L. c. pag. 82 — 83.

**) L. c. pag. 83.

»citia corporis varia illico imperent, et si aegri morosiores
 »nollent, vel debiliores vix possent, tunc a sanis per suffi-
 »ciens temporis spatium circumduci, et mox, remediis su-
 »doriferis in usum vocatis, ad sudandum componi cura-
 »rent,“ nequaquam sine exceptione albus calculus adjicien-
 dus est; quum alii, experientia edocti, hanc agendi rationem
 non probent, auctorque noster ipse adnotet: Fuisse tamen
 nonnullos, in quibus sudores, etiam post motiones validas
 institutas, sive ex idiosyncrasia peculiari, vel ex aliis cau-
 sis, vix ac ne vix quidem protrudebantur *). De diaphore-
 ticorum autem usu tradunt Dr. *Hodlmannus* **) et Dr. *Kund-*
mannus ***) in peste Fraustadtensi in Polonia majori et Lis-
 saviae multos homines sanos, qui vesperi, praeservationis
 causa, sudorifera hauserant, mane in lecto mortuos reper-
 tos fuisse.

§. 22.

Inprimis autem loimographi uno ore fere omnes furen-
 te peste de *lavacrorum tepidorum usu* dehortantur. *Joan. Eo-*
vich inquit: Balnea publica multis de causis vitanda sunt,
 quae ejusmodi tempore tanquam praesens et lethifera me-
 phitis sunt; quippe cum vaporoso illo aëre multi ac varii
 homines promiscue congregari soleant, quorum alii paullo
 ante isthoc morbo infecti fuerunt et nunc reliquias sudore
 evacuare student, alii medicamentis antidotisque diversis
 debilitati, suos singuli afferunt tetros et funestos halitus,
 quibus aërem illum conclusum implent, qui aër ab illis,
 qui praesto sunt, ut corporibus jam calore rarefactis, fa-
 cillime tum ore ac naribus, tum poris cutis adaperitis hauri-
 tur, et subinde ad cor vel cerebrum, vel jecur per arterias
 raptus, celerrime contagione potest inficere ****). Moscuae pe-
 ste anni 1770 balneorum publicorum usus ob damnum inde
 natum promptissimum repetitis vicibus interdictus est *****).

§. 23.

Noxam a balneis non solum ob affluxum hominum in
 publicis, sed etiam a privatis, evidentissimam ubique fuis-
 se, exempla varia testantur. *Joan. Eevich* in urbe Bremensi

*) L. c. pag. 84.

**) Ch. Gottwaldi memoria loimica pag. 41.

***) L. c. pag. 1209.

****) De officio fidel. et prud. magistratus pag. 63 — 64.

*****) Gust. Oraei descriptio pestis pag. 27 et 57.

observavit: fabro ferrario peste extincto eum, qui illius haeres erat artificii, relictæ spartæ nimium avidum, eheu una cum supellectili morbum imo et mortem domui suae intulisse. Nam cum inter reliqua vas esset ad balnei usum, more patriæ paratum, in hoc ipse cum quinque domesticis lavit, et prima nocte omnes lue pestilentiali infecti et enecati sunt *). Jassiae tempore pestis, utut balnea incolae ament, experientia sat edocti, nemo illis uti audet. Moscuae ex nosocomio pestilentiali Simeonense octo administri in balneo vicino particulari lavabantur, immediate vero unus post alterum lue correpti, interierunt. Simile fatum tres Chirurgiae tirones eidem nosocomio inservientes, experiebantur, qui se securos credebant, quod loco aquae acetum ad aspergendos lapides calefactos adhiberent, nam omnes victimae mortis evaserunt.

§. 24.

Fabri ferrarii, qui ferrum candescens exstinguendo, et soleis fere ignitis ungulis equorum applicando, vapores multum inhalant, prae reliquis cladem acceperunt ingentem, ita ut assante Moscuae peste, ob defectum eorum fere totalem, aliunde accersendi essent. Idem Moldaviae, Kioviae et aliis locis observatum fuit. De coquis res erat notissima, quod ubique inter primos desiderarentur. Praefecti militum, in regionibus infectis versantes, si non alios servos certe coquas perdiderunt. Praefectus quidam militum, dum in castris prope Jassiam locatis, igni assidet, ubi cibus militum coquebatur, et vapores ex ahenis naribus excepit, eo ipso momento pestem gravissimam contraxit. Matrona quaedam Moscuensis, quae alias magna utebatur circumspeditione, nulla prorsus indicia contagii in domo habuit, coëmta materia quadam lanea (Flanell dicta), quae ob sensationem unguinosam ei spurca videbatur, ancillae ut excoquat tradit, haec vero, coctipne vix peracta, peste corripitur, et post paucos dies obiit, infantemque dominae quoque infecit **).

§. 25.

Jam supra (§. 8.) memoratum est, mulieres praegnantēs, abortientes, parturientes, itemque puerperas, pestis tempore ad infectionem admodum proclives esse. Hae mulierum affectiones *complexuum venereorum eventus sunt*, a

*) L. c. pag. 94.

**) *Gust. Oraeus* l. c. pag. 57 — 58. Nr. 3.

quibus per se quod vim contagii in corpus suscepti augeant, abstinendum esse, tot pestis observatores admonent. *Laur. Gieselerus* inquit: *Νεογάμοις καὶ φιλολάγνοις* infestissima est pestis, ideoque pestilenti constitutione prudenter admodum a prudenti magistratu nuptiales festivitates, imo et ipsae copulationes prohibentur, ne serpenti malo fores amplientur. Imo ipsa *συνουσία* matrimonialis debet esse rara admodum et pauca; immoderata Venus, si quid aliud, cerebrum et ventriculum debilitat, quorum tamen robur firmare omni ingenio adniti decet *). *Fr. Xav. Bensa* dicta exemplo confirmat. *Dr. Blasgrede* 23. Maji in peste Vindobonensi corripitur levi horrore, ad quem dispellendum sumit quasdam pillulas a suo parente similiter medicinam empirice proficiente laboratas, et tali in casu pro arcano laudatas; purgatus aliquoties, altero die alleviatus sibi videbatur, moestus tamen permansit. Itaque ut moerorem excutiat, aliquot vini vitris animum exhilarare, et ad insequentem nuptialem solennitatem disponere allaborat. Vigesima quinta nuptias celebrat, mensae assidens inter pocula conqueritur de nausea, dolore capitis vertiginoso, inassueta lassitudine, inquinum tensione, siti. Tertia die mane pro thalamo tumultum subiit**).

§. 26.

Isaac. Joh. Wenzesl. Dobrzensky, quondam medicus Pragensis, eadem aetate cum eo viventibus praeservativum universale naturale separatim commendavit. Is supponit: Salivam deglutitam in cubiculo infirmi, aut in aura infecta, inficere ventriculum, postea sanguinem, et tandem sensim totum corpus (non mirum igitur accidere debere, illos, qui affecti sunt, communiter nauseam habere, et ad vomitum stimulari, etsi nec hilum evomere possint); *optimam a morbi contagio praeservationem esse salivae exspuitionem* tamdiu, quamdiu homo putat esse in aura tali, quae eum inficere potest (unde juvabit tamdiu exspuere, nec deglutire salivam, quamdiu locum aliquem graveolentem contigerit transire, vel in eodem perseverare); inspirationes per nares non ita afficere posse, ut per os, cui tamen facilius provideri potest per convenientia balsama naribus illita, ut spiritus, nares transiens, eorum virtute alteretur et imbuatur; hoc praeservativum non deglutendi salivam esse et fore optimum praeservativum pestis, et praecipue iis, qui cum pesti-

*) Observat. medicae de peste Brunsvicensi anni 1657 in praefat.

**) Historica relatio pestis pag. 151 — 154.

feris agendum habent, quales sunt Medici, Chirurgi, omnesque ii, qui taliter infectis adpropinquant, iisdemque ob amorem Dei et charitatem proximi inserviunt; potissimum autem Confessariis conducet, qui eorundem excipiendis confessionibus sunt addicti *).

§. 27.

Consilium hoc plurimi illius aetatis medici assensione comprobaverunt, inter hos celeberrimus *Rich. Meadius*, qui tamen adjunxit, ut caveant inspirare aegris nimis propinqui; et si nimis difficile sit constanter haec vitare, ut os aceto eluant naribusque spongiam eodem impraegnata admoveant **). Ast cum contagium pestiferum rarius per oris et narium aperturas, quam per cutis poros in corpus irrepere soleat, praeservativi universalis mutila conditio, ejusque ad arcendas tantum praesentis infecti exhalationes restricta utilitas sponte patet ***).

C a p u t II.

Remedia prophylactica externa.

§. 28.

Qua remedia prophylactica externe applicanda a medicis commendantur, a nonnullis vero impugnantur: *sumus ex herba Nicotiana accensa per fistulam haustus, rerum foetidarum odor, inprimis hircinus, solutio salis culinariae ejusque vapores tepidi, oleum olivarum infricatum, ulcera artificialia et fonticuli, cauterisationes actuales.*

§. 29.

Ex medicis aetate superioribus usum *fumi Tabaci I. Joach. Becherus, Corn. Bontckoe, Thom. Sydenhamus, et praeprimis Isbr. Diemerbroeck* commendant. Posterior inquit: In hac (Novimagensi) peste, tam in me ipso, quam in plu-

*) *Theoph. Boneti Medicina septemtrion. collatitia part. I. pag. 320 — 325.*

**) *Opera omnia. Edit. Goeting. Tom. II. pag. 94.*

***) *D. Ch. Tralles de insufficientia expuitionis salivae pro obtinenda gloria praeservativi universalis.*

rimis aliis, insigniter profuisse observavimus *). Duo potissimum commoda in pestilenti constitutione attulit: 1) quod illi, qui Tabacum sumpserunt, ob adhaerentem continuo ejus odorem, vix ullos alios noxios foetores percipere possint, a quibus alioquin homines valde exterreri solent; 2) quod odor cum qualitate Tabaci ori inhaerens in transitu ita corrigat aërem inspiratum, ut interiora viscera nullo damno afficere queat. Haec confirmat experientia, quae in nostra aliisque pestibus satis docuit, plurimos solius Tabaci usu a maligna labe fuisse praeservatos; imo nonnullos pestem, quae jam invaserat, in ipso principio solius Tabaci usu fugasse.

§. 30.

Verum circa hujus fumi usum, quatuor notanda esse, idem celeberrimus Loimographus admonet 1.) quod non alio, quam optimo, Tabaco sit utendam, ex foliis satis maturis et minime putridis contortum; 2.) quod ille, qui nimis siccos habent pulmones, eundem ferre nequeant, cum eosdem magis exsiccet; 3.) quod Tabaco utentibus abstinendum sit ab aquis vitae et spiritu vini, nam haec simul non conveniunt, sed viscera debilitant, et inprimis pulmones nimia siccitate laedunt; 4.) quod in usu hujus fumi unusquisque se ipsum noscere, atque modum quoque servare debeat; nam qui a Tabaco facilius afficiuntur, seu alterantur, eo parcius uti debent; qui non facile afficiuntur, iis liberalior ejusdem usus concedi potest, utrisque tamen mediocritatis limites excedere nefas esto. **).

§. 31.

Contra vero *A. Q. Rivinus* fatetur, se non semel fistulas antehac placitas repetiisse, ut in casu necessitatis sibi consuleret cum *Diemberbroeckio*; postquam vero observavisset, aliquot admiratores Tabaci inter fumandum infectos ac sublatos fuisse, tandem credidisse, Nicotianae usum forte Novimagensibus magis, quam Lipsiensibus, convenire, vel etiam insufficientem esse ad praeservandum corpus universum***). Ita et *Nath. Hodges a Diemberbroeckio* dissentit. Si, inquit, opiata Hyoscyami hujus occidentalis qualitas spectanda, sive ejus oleum trutinandum, una cum vapore, minore

*) Tract. de peste, fol. Lib. II. cap. X. pag. 107.

**) Ibidem pag. 111 — 112. IV.

***) De peste Lipsiensi anni 1680 pag. 72.

licet quantitate haustum, summe venificum, sive evacuatio salivae, ad varios a natura usus destinatae, bene perpensa fuerit, si porro motus violentioris pulmonum in suctione Gaeti exercitatorum, a crebra inspiratione debilitatorum, miasmatum pestiferorum simul cum dicto antidoto intus recipiendorum propensitatis, incommodi suffitus graveolentis ratio habenda est, incerta haeret; an proficua, an noxia Nicotiana? cujus vice vinum Hispanicum substituere solebat auctor *).

§. 32.

Ast *Gust. Oraeus*, controversiam hanc diremturus, adfert: In Moldavia omnes lautioris conditionis homines (nam plebs aequae ac in Russia, Tabaci fumo haud delectatur) fistulas continuo sugebant, et Moscuae quoque, tempore pestis, mos hic apud honoratiores multum invaluit, in utrisque vero locis, ex illis paucissimi solum, respectu magis egenorum, pestem contraxerunt. Medici et Chirurgi, qui medio hoc prophylactico utebantur, rarius omnino insultus pestis experiebantur, et facilius liberabantur, quam qui illud detestabantur; quod proprio meo exemplo confirmare possum. Inest nempe Tabaco praeter narcoticam et stimulantem, etiam vis manifesta ad transpirationem et sudores disponens, quam in aggressu pestis, ad miasma e corpore foras propulsandum, summe proficua futuram, nemo facile negabit. Nec obstat, quod unus vel alter Tabaci amator occubuerit, dum tot aliae causae, infectionem et mortem inevitabiliter accelerantes, in hisce praevalere potuerunt. Assertioni quoque positivae *Diemberbroeckii*, *Loimographorum* certe gravissimi, et autoptae expertissimi, omnem fidem denegare, religioni habeo **).

§. 33.

Grassante peste in urbibus Lyon et Marseille observatum est, *loca urbis maxime habitata*, ubi plateae angustae et sordidiores erant, minus affecta fuisse morbo, quam alia, quae magis perflata erant et puriora. Dum *Carolo II.* regente Londini pestis grassabatur, Medici consuluerunt, ut omnia *stercorum receptacula*, quae exactissime clausa servari solent, *aperirentur*. Foetido hoc odore per totam urbem sparso cessabat pestis. An et ab hac causa rarior in Hispania pestis?

*) *Λοιμολογια*, pag. 234 — 235.

**) *Descriptio pestis*, pag. 139.

Regio haec fervida est, Africae aemula et contermina, ubi nullae latrinae sunt. Confirmant hoc satis itineraria, quae testantur, stercora humana in plateis projecta, siccari subito, et dissipari in auras non sine foetore advenis satis molesto donec assueverint longiori mora *).

§. 34.

A medicis saeculi XVII. *vapores musti fermentantis nitro-sulphurei*, et consequenter ad corrigendum aërem apti habebantur, idque exemplis confirmatum esse non dubitabant. Cum enim ad Mosellam saevissima pestis grassari coepisset, miraculi instar in prima herba suppressa fuit, quamprimum musta fermentescerent. Pariter et hic Viennae tum durante tum finito vindemiarum tempore non tantum non ingravescere pestis, verum et evidenter decrescere animadverta est **). Verum enim vero haec omnia potius indoli pestis peculiari, qua absolutis tribus suis stadiis sponte decrescit, vel tempestati autumnali frigidae, quae in nostris regionibus vim morbi infringere solet, quam virtuti aëris acidocarbonici a musti fermentatione evoluti, adscribenda sunt.

§. 35.

Observatum etiam fuit, *loca aromatum promptuariis vicina* a peste intacta fuisse. Ita et constitit in peste Londinensi, immunes mansisse omnes homines, qui navibus construendis occupabantur, dum perpetuo versabantur *in aëre picis fragrantia imbuto* ***). Verum haec et alia non semper inducias malo tulerunt, aut id plane steterunt, ut inde doceamur, virus pestiferum non esse semper ejusdem indolis, sique antidotum aut felici casu aut humana industria inveniretur, illud nunc efficax, non item alia vice esse posse.

§. 36.

Ratione *odoris foedi* — combustionem cornuum et ungularum bestiarum, calceorum tetritorum, coriorum antiquorum quondam grassante peste Halberstadtensi in vicis publicis excitati et transeuntibus adeo molesti, ut nares comprimere coacti essent — recte quidem jam saepius citatus *Purmannus* monet: eundem nequaquam a contagio tueri, na-

*) *Ant. Canestrini* pestis diagnos. pag. 59.

**) *P. de Sorbail* consil. med. de peste pag. 45—46.

***) *Ant. Canestrini* pest. Mag. pag. 60.

turae humanae adversum, viribus vitalibus infestum esse *). Nihilominus plures medici odorem hircinum hoc respectu laudant. *Isbr. Diemerbroeck* refert: Nonnulli ditiores Equitum Capitanei hircum, quem alioqui apud equos stabulo includunt, in coenaculis et cubiculis alebant, atque hujus foetorem ab experientia aëris pestilentis contagium impedire et exstinguere afferebant **). Idem experimentum de hirco testatur *Mercurialis* referens: Et ego, cum annis praeteritis pro Caesaris *Maximiliani* valetudine Viennam ivissem, et quadam die apud Reverendissimum Hungariae Cancellarium pranderem, vidi in ejus aedibus servari magnum hircum. Hujus rei cum causam quaesivissem, mihi responsum est, id fieri pro peste; unde annotavi hoc remedium *Auenzoar* etiam tempestate nostra alicubi adhiberi ***). Simile de hirco etiam referunt *Jordanus* ****), *Paraeus* *****), *Lid-delius* †). Illud ipsum quoque observasse videtur *Palmarius*; nam inquit: Sunt qui pro singulari praecautione in cubiculo, ubi cibum capiunt et cubant, hircum alunt, qui gravi suo halitu tetroque nidore de se perfuso omnia impleat, omnemque vim aëris malificam vel repellat, vel dissipet, atque exstinguat, quorum minime rejicienda videtur opinio; nam adversus hoc contagium optimum creditur esse suffimentum; gravis enim et olidus vapor alium, qui foetidus est, diversi tamen generis, oppugnat et arcet quam longissime ††).

§. 57.

Nemo medicorum praeterea ignorat, lepra affectos odorem hircinum spargere, et recentiores hujus luis observatores testantur: pestem et lepram se invicem continuo avertere, ideoque nec unquam leprosum a peste correptum fuisse, et pestis tempore orientales inprimis meticulosos commercium cum leprosis, propriae incolumitatis gratia, consulto consecrare solere, sperantes, malum reformidatum aliis vicinia, mutuo quasi atmosphaerarum conflictu excludi †††).

*) *Aufrichtiger Pestbarbier* pag. 25.

**) *L. c.* pag. 90.

***) *De peste* pag. 45.

****) *De peste phaer. cap. IX. tract. III.*

*****) *Lib. 21. cap. 6.*

†) *De febr. lib. 3. cap. 5.*

††) *De febr. pest. lib. I. cap. 15.*

†††) *Schnurrer geographische Nosologie* pag. 387.

Qua ratione virtutem odoris hircini prophylacticam omni attentione dignissimam et data occasione ulterius probandam esse censemus.

§. 38.

*Hippol. Quarinonius vapores, qui ex officinis salariis sursum feruntur, quam maxime commendat. Si, inquit, sufficientia contra pestem praestantia desideras, me, cui hoc loco (Halae ad Oenum) facultas est, imitare: mane et vespere aut quotiescunque occasio tulerit, officinam salariam nostram ingredi, prius vero ad os hypocausti, ut calor per vestes et palliam meat, mox ad eum locum, ad quem ventus vaporem salarium spirat, accede; huic nudato capite, per medium horae quadrantem te oppone, ut tanquam nubes spissa te circumvolvatur; dein tutus ab infectione disces. Si vero tibi opportunitas hujus loci denegata sit, id agas: sume salsuram nostram, aut solutionem salis culinariae aquosam; hanc sensim lateri mundo et calefacto affunde, curaque ut vapor assurgens te ambiat, cubiculumque impleat. Ditiores solutioni huic aceti portionem admisceant, mixturamque praescripto modo adhibeant. Qui vero amictum tutum reddere cupit, spongiam maritimam in solutione hac, simplici aut composita, intingat, eademque vestes, manus, faciem, caput, capillos et barbam humectet *).*

§. 39.

Hanc agendi rationem omnibus aliis remediis palmam praeripere, non solum auctor noster judicat, sed etiam recentiores auctores confirmant, qui contagia *vaporibus acidomuriaticis simplicibus et oxygenalis* (Chloro) infirmari et destrui experti sunt; quos propterea ad purgandas domus, conclavia, supellectiles et merces infectas conferre hortantur **). Quibus nunc Aqua de Labarraque hunc in scopum praefertur, quare non dubito, et praecautiois loco ocyus aut serius adhibita efficax fore remedium.

§. 40.

Idem *Quarinonius* remedii ad praeservandos aegrorum curatores et vespillones auctor est; idque in eo versatur, ut *lodox densa et duplex solutione salis culinariae aquosa fervida*

*) Pestilenz Guardian pag. 110.

**) C. F. Harless über die Gefahr der Verbreitung des gelben Fiebers pag. 152.

inficiatur, cadaver vero ea obvolutum mox feretro, prius eadem aquosa salis solutione fervida addito sulphure abluto, imponatur. Nec opus esse docet, ut lodix una cum cadavere sepe liatur: sed traducendo per flammam repurgatam ad sepe lienda alia cadavera adhibendam, — et hac ratione etiam amacula linea et manicas vespillonum ad usum praeparandas et postea purgandas esse *).

§. 41.

Vis prophylactica et medica *olei* ipsos antiquiores medicos minime latebat. *Kundmannus* memorat: *Doct. Gerstenbergerum* plus quam centenos homines oleo Juniperi, Succini et Absynthii probe instructos a peste immunes servatos vidisse **). *Rivinus* de oleo Scorpionum *Matthioli* comperit habet: istud vi repellendi gaudere notabili. In omnibus quidem oleo hoc bubonibus inuncto deprehendit, dolorem cessasse et tumorem in dies imminutum fuisse; multis etiam hoc egregie profuit, qui quippe largiter simul sudabant: aliis nihilominus, inprimis iis, qui bubone subalari laborabant, minus convenit, quibus scilicet cordis anxietas manifesto aucta est. Sunt et alii medici non pauci, qui pro summo contra pestem arcano id commendarunt ***). Notandum tamen ab iisdem oleum Scorpionum *Matthioli* non bubonibus aut carbunculis, sed regioni cordis et carpi manus (in qua scilicet pulsus tangitur) inunctum, hancque inunctionem, si necessitas urgebat, post tres horas repetitam fuisse. Per os quoque ad drachmam unam alteramve exhibitum, incredibilem in peste praestitisse effectum testis est *Ant. Fumanellus*; imo ab uncia ejus una, quam delirans infectus per errorem epotavit, tres simul bubones disruptos, eademque nocte deliria sedata, sublatumque periculum esse, idem adfirmat auctor ****).

§. 42.

Plures medicos, qui *oleum olivarum externe infricatum* qua prophylacticum laudant, *Paul. Scheel* enumerat et inter hos *Albr. ab Haller* dicentem: Pestis tempore aegros visitaturus non melius sibi cavebit, quam si prius nudus ad for-

*) Pestilenz Gardien pag. 111.

**) L. c. pag. 1237.

***) Vide prae ceteris *Wolfg. Gabelchoveri* Cur. med. cent. V. cur. 98. in annot.

****) De peste Lipsiensi pag. 120 — 122.

nam se inunxerit, aërem spiraverit per spongiam aceto vini ebriam. In maximam autem famae celebritatem *usum olei olivarum externum*, qua medicamentum et prophylacticum, *Georg. Baldwinus* negotiorum curator et Consul generalis anglicus Alexandriae provexit, qui malis a peste concitatis ad misericordiam ductus remedio, quo horribili morbo pestilentiali obviam iret, operam navavit *).

§. 43.

Ut vero applicatio hujus remedii felici coronetur eventu, requiritur, ut *inunctio* spongia marina oleo olivarum tepido ebria et celeri atque forti fricatione super totam corporis infecti superficiem perficiatur, quo facto oleum per poros cutis reseratos facilius penetrabit, et pestis contagium una cum mox insequente sudore profuso expellabitur. Inunctio haec eo die quo se pestis symptomata primo manifestant, semel, si vero sudor longus non insequatur, bis instituenda est, donec infectus sudore madeat. Hoc vero praesente aut nondum penitus et sponte disparente nec indusia, nec lecti stragula sudore madida mutanda, simulque portae et fenestrae cubiculi clausae servandae, carbonibusque vivis saccharum et baccae Juniperi inspergendae sunt, ut fumus excitatus sudorem eo citius et tutius maturaret **).

§. 44.

Auctores, qui *ulceribus vetustis et fonticulis* facultatem, una cum humoribus corruptis contagium e corpore infecto eliminandi, adscribunt, plures numerantur, quam qui omnem utilitatem iisdem derogant. Illi itaque auctoritatem nobis suppeditant, ut et haec in album prophylacticorum externorum referamus.

§. 45.

Inter priores *J. Crato* tempore pestis ulceribus apertis implicitos praemonet, ut sedulo curent, ne ea consanando claudantur, sed potius semper fluentia servantur ***). *Kundmannus* e scriptis *Felic. Plateri* sequens refert factum: Sacer-

*) Georg Baldwin's Bemerkungen über die Einreibungen des Olivenöls gegen die Pest. pag. 87 — 93.

**) Bemerkungen über die Einreibungen des Olivenöls pag. 57—60. und L. Gr. v. Berchtold Nachricht von dem zu Smyrna gebraucht u. s. w. Wien 1792.

**) Comment. de pestis curatione.

prophylacticum, sufficiens

dos quidam fratres ejusdem ordinis, aliosque homines a peste munivit, scrota illorum transfigendo, et vulnus, loco setacei, radice Hellebori albi trajecto, apertum servando *). Ex quo praeservandi modo patet, quo jure in institutis antiloimicis Stiriae anni 1681 — ubi narratur: in feminae, peste Lipsiae exstinctae, partibus iis, quas natura et honestas velare jubent, setaceum applicatum inventum, et ideo, nisi id opportuno tempore demandatum fuisset, contagionem crudelem pertimescendam fuisse — ratum et statutum sit: ut ejusmodi homines facinorosi forcipe candente vellicentur, eorumque membra rata frangantur **).

§. 46.

Sennertus foniculos ideo laudat, quia corpus ab impuritate praeservent ***). *Garnerus* sibi in peste anni 1616 fontanellos adplicari curavit, et iis nihil praestantius, nihil utilius aut melius in praeservanda, aut etiam curanda peste esse affirmat ****). *Jos. Fornes* allegat *Dr. Heinsium* germanum, qui Venetiis in dira peste annorum 1656 et 1657 foniculorum ope innumeros, quibus nempe consilium arrisit, a lue praeservavit; statuam publicam tanquam Patriae liberator promeritus †). *Magnae* quoque utilitatis fuerunt in peste, *Neomagensi* teste *Diemberbroeckio* ††), *Lausannensi* anno 1612 teste *Hildano* †††), *Veneta* anno 1574 teste *Mercuriali* ††††). *Nath. Hodges* inquit: Per foniculos quascunque impuritates una cum veneno subtili, liquorem frequenter comite, per apertas velut portas exire, communi omnium consensu sancitum habemus; quod scilicet contingere suspicatur, non quia partes sauciatae et ulceratae debilitentur, sed potissimum propter irritationem vasa evomere cogen-tem, humores reddentem fluxiles, et eos tanquam in sentinam allicientem, quo melius per commata, licet minutula evacuentur.

*) Historie von der erschrecklichen Menschenpest pag. 1228.

**) J. D. John's Lexikon der k. k. Medicinalgesetze Bd. II. pag. 434. pag. 22.

***) De febrilib. libr. IV. cap. 4.

****) Phil. Hoechstetter rar. observ. Medicin. pag. 26.

†) De peste pag. 126.

††) Lib. 2. cap. 8.

†††) Cent. 4. obs. 23. et cent. 6. obs. 86.

††††) De peste cap. 20.

§. 47.

Ulcera haec quo plura, eo res aegri securior, pergīt idem auctor, quorum tamen amplitudo multorum vicem commode supplevit. Si vero cuiquam voluptet, duos gerere fontanellos, in brachio sinistro unus, et alter in crure adverso aperiatur. Auctor ipse, quoties se in loca maxime contagiosa contulit, effluviis pestiferis non minus quam aëre ambiente conseptus, toties brachii pars, ubi situs fontanel- lus, pessume cruciabatur, effluente mox saëie cum dolore lancinante et pungitivo, quae ut plurimum tenuis, cruda et sanguinolenta; dato hoc invasionis pestilentialis indicio ad medicamentorum alexipharmacorum asyllum illico confugere tutissimum duxit *).

§. 48.

Scheuchzerus dicit: Ex causis, a celeberrimo *Astruc* al- latis, consului mature per literas, et in monographia Mas- siliensi pag. 37. prophylactici eximii loco, fonticulos. Pla- cent hi generatim medicis Germanis, et magni faciunt. Cur vero nolunt Galli tranare Lethi flumen sine fonticulis? Sunt illi adeo molesti? Minime, *mais ils ne sont pas à la mo- de*. Mos tyrannus ille inexorabilis innocentissimum, ac mi- nime proficuum respicit remedium.**). *Purmannus* in peste Halberstadensi eadem ratione fonticulis munitus, hos in praestantissimorum prophylacticorum numero ducit, imo et jam peste infectis utiles profitetur. Horum fonticulos autem, ob copiosam puris, cessante sudore, incrementis et foeden- tis excretionem, quater de die ligandos esse, monet Chi- rurgos. Ex pluribus, quam 50, qui Halberstadii fonticulis instructi erant, duos tantum mortuos, reliquos orci fauci- bus ereptos fuisse, memorat ***). *Gust. Oraeus* refert: Mo- scae ex magno numero nobilium, medentium et aliorum, qui aperturas hasce sibi infligi curaverant, debito modo fluentes servarant, nemo, quantum mihi constat, desideraba- tur exceptis nonnullis Chirurgiae tyronibus, in quibus ante ingressum in Nosocomium excitati quidem fuerant; sed im- mediate post balnei usum (§. 23.) correpti diem ibi obierunt supremum ****).

*) Λοιμολογία pag. 240.

**) In notis ad dissert. Dni. Astruc Not. 61. pag. 84. *Jos. Fornes* pars II. sect. II. cap. III. fol. 126.

***) *Aufrichtiger Pestbarbier* pag. 71.

****) *Descriptio pestis* pag. 139.

§. 49.

Qui omnium primus *cauteria* tempore pestis applicanda instituit, *Herculanus*, nominis celebritate et antiquitate non parum commendatur. Hoc tamen remedium ab arte veterinaria videtur esse depromptum. Nam *Columella*, ut pestem et contagium, quod boves aliquando solet infestare, avertat, aures illis jubet perforare cum radice, quae vocatur Consiligo, et inter *Hellebori* species collocatur (§. 45.); idque praestantissimi alexipharmaci locum putat obtinere. Quod hodiedum a pastoribus adhuc et armentariis usurpatur, *Tithymalis* pro Consiligine substitutis.

§. 50.

Non pauci praeterea reperiuntur medici, fide non minus digni, quibus id genus remedii, veluti praecautio quaedam secunda comprobatur. In quorum numero *Mercurialis* merito reponi potest, cum palam attestetur: in saeva quadam, quae Venetias olim afflixit, lue plurimos cauteriorum beneficio ab omni noxa plane fuisse vindicatos. Novi medicum, inquit *Ath. Kircherus*, qui, dum Nosodochio in pestiferorum curam deputeretur, quinque sibi prius cauteriis inustis, aliisque praeservativis instructus, juncta imperterriti pectoris magnanimitate inter medios morientium coetus integrum incolumemque semper constitisse *). *Parisinus* et *Ingrassias* idem observasse profitentur in pestibus, quas ipsi suo tempore exortas fuisse docent; a quibus nec *Nicolaus Massa* nec *Palmarius* dissentiant, cum tantopere hujus generis remedia extollant atque commendent **). *Paul. de Sorbait* refert: Cauteria tempore infectionis tantae sunt utilitatis, ut consentientibus unanimiter omnibus Loimographis, nihil utilius in toto orbe reperias, ut et medici Romani dum ad curam infectorum in Nosodochiis sese exponebant, aliquot cauteria sibi inuri curabant: non raro etiam si forte virulentam inspirassent auram, cauteria atram exsudare saniem in reliquo citra ullum sanitatis dispendium permanentes, animadverterunt ***).

§. 51.

Nihil melius est tempore pestis, quam cauteria excitare *Dunc. Liddelius* adfirmat et quidem ex ea ratione, quia horum vi humores ab interioribus ad exteriora trahuntur, et pravi ichores corporis, qui in corruptionem pronissimi sunt, con-

*) Scrutinium pestis, pag. 315.

**) Vide Jos. Quercetani pestis Alex., pag. 271.

***) Consilium medicum, pag. 62.

tinuo ductu evacuantur *). *Gravius* monet: Si quibus jam antea impressa fuerint, loca aperta consolidari non sinant, et in aliis cauteria fieri utile est. Ea quidem malignos humores atque vapores a corde aliisque nobilioribus partibus ad ignobiliora membra avertere possunt **). *Pet. Forestus*: cauteria cruribus vel brachiis adhibeantur, ut malae superfluitates quotidie per ea expurgentur; et fuerunt ita praeservati, qui cadavera mortuorum ferebant ***).

§. 52.

Quercetanus fusius de cauteriis tractans docet: Cacochymica corpora tempore grassantis pestis praecautiois loco, melius ac commodius utentur cauteriis potentialibus, inter certos brachiorum ac surarum mûsculos applicatis. Idque eo magis, si jam antea illorum usui fuerint assueti; siquidem per ea, tanquam per canales quasdam non solum maxima corruptorum humorum copia foras excluditur; verum etiam spiritus in corpore nostro contenti fuliginosae ac venenatae materiae a centro ad circumferentiam, beneficio virtutis naturalis, artis industria adjutae, extrinsecus expelluntur.

§. 53.

Quod *tempus* attinet, quo cauteria adplicanda, nequaquam eousque illorum differenda est inustio, quousque pestis incrementa et vires acceperit. Tunc enim Chirurgo magnopere timendum esset: ne maligna oriatur inflammatio, quod in tali casu plerumque accidere, multi percelebres contestantur medici. Melius ergo consultum erit, incipiente et perniciosos suos fructus germinante peste eadem adplicare.

§. 54.

Quoad *partem*, cui adhibenda sunt cauteria, non eadem est auctorum opinio et iudicium. *Nicolaus Massa* et *Palmarius* eadem suris adplicari volunt; sic enim humores deorsum evacuari, et maiorem revulsionem causari putant. Alii vero brachiis potius imponenda arbitrantur propterea, quod tunc cordi sint viciniora, cui quum semper cum pestilentia pugnandum esset, magis inservire debent, neque ipsa humoribus alias derivandis melius conducunt illorum iudicio. Attamen, cum talia remedia ad vitam conservandam sint introducta, non est, quod ullus vereatur, cauteria suris atque lacertis, imo et aliis corporis partibus adhibere ****).

*) In libr. de febr. cap. 5. *Hoechstetterus* l. c. pag. 26.

**) In disputatione de peste thes. 67. *Hoechstetterus* l. c.

***) Observ. medic. libr. 6 obs. 15. *Hoechstetterus* l. c.

****) Pestis Alexicacns pag. 269 — 273.

C a p u t III.

R e m e d i a p r o p h y l a c t i c a i n t e r n a .

§. 55.

Nullum in rerum natura inveniri tutum certumque contra pestis infectionem remedium prophylacticum, jam supra (§. 1.) monitum est. Et revera nil magis defectum remedii, in tali casu spem nostram nullo pacto fallentis, testari vallet, quam consignatio ingens temporum tractu venditorum antidotorum ipsa; quorum singulorum aut theoriae medicae amore aut lucri studio summe laudatorum, inefficacia, mox detecta, semper alios impellebat, ut nova excogitarent. Sunt vero plerumque conflata ex calefacientibus, diaphoreticis, purgantibus aut substantiis vi medica plane destitutis, quae itaque potius viribus nocentibus ad pestem disponentibus, quam prophylacticis instructa esse censentur.

§. 56.

Inter remedia simplicia *allium* et *cepa* inprimis plebis fidem sibi conciliaverunt; ideo jam a *Galeno* alium rusticorum theriaca adpellatur, et contra morsum canis rabidi, serpentum et aliorum venenosorum animalium prodesse docetur. De iisdem autem controversia est, an in peste convenient? Verum haec controversia, inquit *Dan. Sennertus*, componi potest, si dicamus, cepas et allium utilia esse non ut alimentum, sed ut medicamentum. Ut enim certum est, non satis bonum praestare nutrimentum: ita et illud extra dubium, contra venena plurimum valere, ac proinde allium, ut et cepa, non magna copia sumendum, ut cibi loco esse possit; sic enim prava et acres humores in corpore cumulet; sed si parva quantitate, ut saltem medicamenti loco sit, et ad pestem praecavendam sufficiat. Nec absurdum est, ut aliquid ratione medicamenti utilissimum sit, pravam vero alimentum praebeat, sicut in cibis medicamentosis multis videre est *).

§. 57.

Purmannus refert: vespillones in peste Halberstadtensi frequenter allium comedissee et salvos mansisse **). *J. B. Werloschnig*: nuces cum allio tritas et comestas a nonnullis

*) De febr. libr. IV. cap. VII. pag. 868 — 869.

**) Aufrichtiger Pestbarbier pag. 95.

Loimographis multum laudari commendarique, praesertim pauperibus *); et *Ant. Canestrini*: Mirabar, quomodo vespillones non inficerentur. Allium eos forte semper in tuto collocavit. Quoties enim infectam domum intrabant, solebant praevis allium tusum manibus, pectori et faciei affricare, et in ore masticatum retinere, quo postea et ego praeservationis gratia usus sum **).

§. 58.

Inter plures alios Loimographos, qui cepas assatas externe ad maturandos bubones inflammatos commendant, *Hippolytus Quarinonius* harum etiam internum usum magnopere laudat. Simul ac, inquit, te languere sentis, cepam versus radicem excava, cavitatemque Theriaco Andromachi Veneto, prius cum succo citri aut aceto acri contrito, reple, operculo obtura, cepamque filo subtili ligatam cineribus ardentibus subassa, succum expressum hauri, dein ad sudorem te compone ***). *Iustus Jonas* (Theologiae Doctor et Professor Wittenbergensis), quum adhuc puer esset, per imprudentiam cepam assatam quam pater peste decumbens bubonibus impositam jamque exsiccata amoverat, sine valetudinis incommodo comedit ****). Ast *Dr. Griebel*, qui se *Cojentschinum* in districtu Wartengersi, spartam medici loimici suscepturus, contulerat, in dormitorio suo sexcentas cepas suspendit, cepasque secum circumgestavit, nihilominus una cum famulo peste correptus et mortuus est †).

§. 59.

Pro remedio prophylactico haud spernendo insuper omnia habentur acida, inprimis vero acetum vini vulgare, de quo *Franc. de Leboe Sylvius* hisce testatur: Ante novennium, cum quotidie plures visitarem aegros peste infectos, praecautiois loco aliud non sumpsi medicamentum, quam vulgaris aceti vini cochlear unum, mica panis exceptum, et quidem mane antequam inviserem aegros ††).

*) Λοιμογραφία pag. 229.

**) Pestis diagnosis pag. 15.

***) Pestilenz Guardien pag. 146.

****) *Hofmanni* causae natural. ex quibus pestis oritur et repellitur. Kundmann, pag. 1145.

†) Kundmann, l. c. pag. 1204.

††) *Prax. med. append. tract. 2. de peste* pag. 489 m. fol. 652. *J. B. Werloschnig* l. c. pag. 228.

§. 60.

Ab eo tempore acetum vini, ejusque variae compositiones, inprimis antisepticum (vulgo *vinaigre de quatre couleurs*) sub titulo prophylactici consuetim adducebatur. Nihilominus *Dr. Didier* medicus Gallicus objicit: Si acetum vini a peste muniret, lues haec Marsiliae tantam haud effecisset devastationem, ubi incolae fere omnes in plateis publicis cum spongia, uno alterove hujus generis praeservativo famoso madefacta, naribus admota offendeabantur. Quisque eodem manus lavabat, in quovis domicilio patina aceto repleta ad epistolas pecuniamque abluendas, in procinctu erat. Urbs Telo-Martius (*Toulon*) praeprimis aceto commercium facientibus praedonibus maritimis, copiam aceti vini praestantissimi subministrat, ast tota copia comestus urbi contra pestem praesidio esse non potuit. *Dr. Ludesi* Marsiliae aceti studio ita ardebat, ut non solum ante et post ulcerum peste decumbentium deligationem aceto sese lavaret, sed etiam muccinio eodem madefacto faciem attereret, et non raro noctis tempore caput mappa, aceto imbuta obtegeret; nihilominus a peste tanta vehementia corripiebatur, ut diem obiret supremum *). Patet tamen Marsilienses et praeprimis medicum *Ludesi* non solum modum a *de Leboe'* *Sylvo* praescriptum excessisse, sed etiam aceto (uti et *Dr. Griebel* supra (§. 58.) memoratum cepis) perverse usos fuisse.

§. 61.

Gust. Oraeus de se ipso narrat: Praeter regimen vitae scrupulose observatum, quamdiu cum pestiferis cohabitavi roborantibus quoque et diaphoreticis lenioribus, etiam sine indicibus infectionis factae, scopo praeservativo utebar, et reliquis mecum degentibus cum successu impertii. Praesertim *spiritus nitri dulcis*, a guttis viginti ad triginta, ex aqua frigida aliquoties de die sumtus, se tantopere commendavit, ut an aliud in hoc statu magis utile detur remedium, dubitaverim. Nam correctio fastidii, appetitus, si laesus fuerit, rediens, augmentum virium tam mentis quam corporis, et lenis diaphoresis, de salutare ejus efficacia sat luculenter testabantur **).

§. 62.

Demum et *Camphorae* inter remedia prophylactica interna mentio facienda est. Norimbergae quidam capite luere

*) Chigoneau pars II. pag. 317 — 318.

**) Descriptio pestis, pag. 138.

promisit, ni Camphorae oleum interne adhibitum unumquemque a peste praeservaret *). *Joh. Dan. Gohlius* refert: memorato *Dr. Heinsio* (§. 46.) ob Camphorae commendatum usum salutarem contra pestem, etiam Veronae statuam, hujus rei memoriam posterioribus servantem, constitutam fuisse **). *Crato* pestis tempore sibi adnectere camphoram jubet; et *Dr. Ettmüllerus* censet: sub his rerum adjunctis hominem sine Camphora, militi sine gladio aequiparandum esse.

*) Wisnerus de malo pestifero thes. XXXV.

**) Historia pestis pag. 45.

Auctores in consilium vocati:

Ant. Fumanelli liber de pestis curatione. Venetiis 1548.

Nicol. Massa liber de febre pestilentiali, petechiis et morbillis etc. Venetiis 1540 et 1556. 4.

Thom. Jordani pestis phaenomena seu de iis, quae circa febrem pestilentem adparent, exercitatio. Francofurti 1576. 8.

Joan. Evvich de officio fidelis et prudentis magistratus tempore pestilentiae Rempublicam a contagio praeservandi liberandique libri duo. Neapoli Nemetum 1582. 8. min.

Jos. Quercetani pestis alexicacus, sive luis pestiferae fuga. Parisiis 1608. 8.

Georg. Garneri liber de peste, quae grassata est Venetiis anno 1576 etc. Ex quo opere majori desumpta est ejusdem Epitome s. Brachylogia Loimedes. Bruntr. 1610. 8.

Hippol. Quarinonius Pestilenz Guardien, für allerley Standspersonen, mit Säuberung der inficierten Häuser, Beth, Leingewandt, Kleider. Ingolstadt 1612. 12.

Ambr. Paraeus, in operum libro XXI. argumentum de peste tractat. Edit. Francof. 1612. fol.

Dan. Sennertus de febribus libri IV. Wittebergae 1619. 8. (Lib. IV. de peste, pestilentibusque ac malignis febribus.)

D. Hieron. Mercurialis tractatus varii de re medica, a variis medicis olim ex ipsius ore excepti, nunc vero, post ejus obitum, in gratiam studiosorum Medicinae evulgati. Tract. III. de peste, praesertim de Veneta, et Patavina. Lugduni 1623. 4.

Duncan. Liddel (Scotus) de peste. Nèomagi 1624.

Wolfg. Gabelchoveri Curationum et observationum medicinalium Centuria V. Tubingae 1627. 8.

Athan. Kircheri scrutinium physico-medicum Pestis cum praefatione Chr. Langii. Lipsiae 1659. 12.

Laur. Gieseleri Observationes medicae de peste Brunsvicensi anni 1657. Brunsvigae 1663. 4.

Jul. Palmarii de morbis contagiosis libri septem. Hagae-Comitis 1664. 8.

Phil. Hoechstetteri rariorum observationum medicinalium pars posthuma. Francof. 1671. 8.

Nath. Hodges Αιμολογία, sive pestis nuper apud populum Londinensem grassantis narratio historica. Londini 1672. 8.

Paul. de Sorbait consilium medicum, seu dialogus loimicus, de peste Viennensi 1679. Viennae, 12.

Aug. Quir. Rivini (alias Bachmann) dissertatio de peste Lipsiensi 1680. Lipsiae 1681. 8.

Isaac. Joh. Wenzesl. Dobrzensky Praeservativum universale, sive de saliva contra omnem in aëre serpentem contagionem praeservativo optimo. (Vide *Theoph. Boneti* medicina septentrionalis collatitia Tom. I. pag. 320.) Genevae 1684. fol.

Isbr. de Diemerbroeck Tractatus de peste Neomagensi 1685.

Joan. Christ. Gottwald Memoriale loimicum de Peste Dantiscana anni 1709. Dantisci 1710.

Joan. Bapt. Werloschnig a Gerenberg et *Ant. Loigk* Loimologia seu historia pestis, quae ab anno 1708 ad 1713 Transylvaniam, Hungariam, Austriam etc. depopulabatur. Styriae 1710. 8.

Dr. Joh. Christ. Kundmann Historie von der erschrecklichen Menschen-Pestilenz wie sie von Anfang dieses Seculi bis auf das Jahr 1715 außs heftigste gewüthet. (Vide ejusdem *Rariora Naturae et Artis* item in *Re medica*.) Breslau und Leipzig 1737. fol. 1084 — 1248.

Franc. Xav. Bensa historica relatio pestis anni hujus saeculi XII, XIII et XIV. Austriam et conterminas partes infestantis. Viennae Austriae 1717. 8. min.

Jos. Fornes tractatus de peste Barcinonae 1725. fol.

Matth. Gottf. Purmann der aufrichtige und erfahrene Pestbarbierer. Aus selbsteigner Erfahrung mitgetheilt. Breslau 1745. 8.

Rich. Mead Opera omnia. Tom. I. et II. Edit. 3. Goettingae 1748. 8.

Von der Pest, ihren Ursachen, Zufällen, Behandlung und Sicherungsmitteln. Aus dem Französ. von Dr. J. Ch. Ringebroig Thl. I. Leipzig und Stendal 1783. Thl. II. Stendal 1790. 8.

Gust. Oraei descriptio pestis, quae anno 1770 in Jassiä, et 1771 in Moscua grassata est. Petropoli 1784. 4.

Ant. Canestrini pestis diagnosis maxime ex ejus contagio haurienda. Salisburgi 1795. 8.

Adam Chenot's hinterlassene Schriften über die ärztlichen und politischen Anstalten bey der Pestseuche. Wien 1798. 8.

Georg Baldwin's Bemerkungen über die von ihm entdeckte specifische Wirkung der Einreibungen des Olivenöls gegen die Pest. Aus dem Italienischen von Paul Scheel. Kopenhagen 1801. 8.

Ehr. Friedr. Harless über die Gefahr der Ausbreitung des gelben Fiebers in Europa, und über die kräftigsten und zuverlässigsten Schutzmittel dagegen. Nürnberg und Sulzbach 1804. 8.

Friedr. Schnurrer geographische Nosologie oder die Lehre von den Veränderungen der Krankheiten in den verschiedenen Gegenden der Erde. Stuttgart 1813. 8.

Theses defendendae.

1.

Humorum circulus in plantis anceps.

2.

Motus muscularis ad omnem sensum externum perquam necessarius.

3.

Vitae et organismi humani cognitio basim constituit medicinae.

4.

Modus Prochloridum Hydrargyri (Calomel) per praecipitationem parandi, illi per sublimationem adhucdum postponendus.

5.

Transfusiones sanguinis et infusiones medicaminum in venas medicina aegris paratur admodum dubia.

6.

Scrophulosis congenita plerumque, nec raro gentilitia labes diu ut plurimum in corpore delitescit, prius quam tumoribus glandularum et aliis pathematibus in propatulo sistit.

7.

Phthisis pulmonalis causa proxima unice in tuberculis haud quaerenda.

8.

Hirudinum medicinalium applicatio dato casu praestantissimum remedium;

9.

Proinde nequaquam e medicaminum albo delenda.

10.

Sub certis conditionibus contagium pestiferum votatile reddi potest.

11.

Prophylaxis politica minante peste momentosissima.

12.

Praeservativum contra pestem omnino possibile.

13.

De Arsenici praesentia data intoxicatione sola reductione convincimur.

14.

Nevroses chronicae sensibilitate et irritabilitate aucta incedentes balneis curandae marinis.
